

咸豐五年五月十五日

奏



79

奏為恭謝

天恩事本月十四日管理戶部三庫事務衙門奏請
欽派大臣更換管理三庫事務奉

硃筆圈出翁心存欽此竊臣自惟薄植疊沐

隆施曾無一得之愚未有片長之效昔襄農部叨承

貳令以參稽今領銓曹忝長六官而制用恆冰
淵之是慄每夙夜以增慙迺復仰荷

聖恩俾司庫務撫衷滋惕循分難安伏念財用以均
節為先出納以周知為要內府外府之楮物必
辨其楛良月成歲成之書法必謹乎權度矧值
貨泉之未裕尤宜綜覈之倍嚴憑短策以運籌

慮挈竝而鮮智臣惟有盡心釐剔隨事講求庶
幾稍答

高厚鴻慈於萬一所有贊感激下忱謹繕摺恭謝
天恩伏乞

皇上聖鑒謹

奏

咸豐五年五月

十五

日



